

ցայ և շարժել նոցայ 'ի տեղէ 'ի տեղ իւրեանց և աւար յառնել 'ի յընչից նոցայ, կալով մնասցեն նոքայ 'ի տեղի իւրեանց հնազանդելով սեպհական տերանց իւրեանց:

### Գ Լ ՈՒ Խ 32Ը.

Եթէ գուցէ թշնամին մեր 'ի ժամանակի պատերազմի գերեսցէ հասարակ ժողովրդենէ մերմէ, որ ոչ իցէ զինուոր և ոչ առեալ զէն և ոչ ընդդիմացեալ թշնամուոյն, հանիցէ 'ի տանէ և 'ի բնակութենէ իւրմէ առ այլ և աւար յարիցէ ստացուածք նորայ, պարտ է մեզ թիւարկանել այնպիսի անձինք գերեցեալքն մեր և արժանաւորութիւն աւարից որ քան որ իցէ և մի տալ խաղաղութիւն թշնամուոյն մերոյ մինչ յետս դարձուսցէ գերեալս մեր ընչիւք, և յաւելորդապէս մի և նոյն քանակութեամբ անձինք ևս 'ի ժողովրդենէ իւրմէ, և ինչ 'ի ստացուածէ իւրմէ յաւելցի մեզ իբր տոկոս վասն անկարգ արարմանց, որ խաղացուց սառն արեամբ կացող ժողովուրդն մեր 'ի սեպհական բնակութենէ իւրմէ, որ ոչ ձեռն 'ի սուր առեալ և ոչ ընդդիմացեալ նմայ, և յանձն առեալ հատուցանել նոցայ հարկ, մաքս, հաս և բաժինն որում հատուցանէր մեզ:

### Գ Լ ՈՒ Խ 32Թ.

Մերոյ ըմբռնեցեալ տեղեաց որ 'ի թշնա-